



Orkid hibrid sempena nama Raja Perempuan Perlis

UM/15-3-21/42/170/16-Sosial
INSTITUT Penyelidikan dan Kemajuan Pertanian Malaysia (MARDI) memperkenalkan orkid hibrid baharu yang mengabadikan nama Raja Perempuan Perlis, Tuanke Tengku Fauziah Tengku Abdul Rashid.

Dinamakan Dendrobium Tuanke Fauziah, orkid hibrid tersebut sangat istimewa dan mempunyai keunikan tersendiri, hasil penyelidikan selama empat tahun lapan bulan oleh agensi penyelidikan pertanian tersebut.

Pelancaran nama tersebut, disempurnakan sendiri oleh Tuanke Tengku Fauziah di Mes Pegawai Kanan Polis Diraja Malaysia (PDRM) di Kangar, Perlis baru-baru ini.

Keberangkatan tiba baginda, disambut oleh Ketua Setiausaha

Kementerian Pertanian Dan Industri Makanan, Datuk Haslina Abdul Hamid dan Ketua Pengarah MARDI, Datuk Dr. Mohamad Roff Mohd Noor.

Berangkat sama, Raja Muda Perlis, Tuanke Syed Faizuddin Putra Jamalullail dan Raja Puan Muda Perlis, Tuanke Hajah Lailatul Shahreen Akashah Khalil yang turut diiringi anakanda-anakanda baginda berdua, Puteri Sharifah Khatreena Nuraniah serta Puteri Sharifah Farah Adriana.

■ TUANKU Tengku Fauziah (kiri) pada majlis pelancaran nama orkid hibrid baharu di Mes Pegawai Kanan Polis Diraja Malaysia (PDRM) di Kangar, Perlis baru-baru ini.